

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Consideratio status damnatorum, quod actiones ipsorum  
in primis malas, concernit**

**Fecht, Johann**

**Durlaci, 1680**

LXI.

[urn:nbn:de:bsz:31-122744](#)

la consilia agens; ubi videris hilaritatem iustorum, ob splendidam donorum distributionem, & tristitiam peccatorum, in tenebris trifissimis positorum. Quæ dices tunc in dolore cordis tui? Hei mihi, quod non abjeci hoc grave peccati onus, quam facilis adeò deponendi occasio ac ratio fuisse, sed grandem hunc malorum acervum attraxi! Hei mihi, quod maculas non abluerim, sed peccatis punctus ac insignitus sum! ô mala consilia, propter brevem ac temporariam peccati voluptatem in aeternum supplicis torquebor: propter carnis illecebras in ignem aeternum trador. Quod auctor libri de triplici habitaculo, in celo omne bonum esse, in inferno omne malum, quo & malum morale pertinet, asseruit, id hac verborum sententiâ confirmat Irenæus, lib. V. adv. Hær. c. XXVII. Communio DEI, vita & lumen & fructus eorum, que sunt apud eum, bonorum. Quicunque autem absunt, secundum sententiam suam ab eo, his eam, que electa est ab ipsis, separationem inducit. Separatio autem DEI, mors, & separatio lucis, tenebre, & separatio Dei, misericordia omnium, que sunt apud DEum, bonorum. Qui ergo per apostasiam amiserunt, que predicta sunt, quippe desolati ab omnibus bonis, in omni paenâ conversantur, Deo quidem principaliter non à semetipso eas puniente, prosequente autem eos paenâ, quoniam sunt desolati ab omni bono. Cæteros suo loco allegavimus. Est autem veritatis argumentum, aliquid videri vel omnibus, vel pluribus, vel certè sapientioribus.

LXI. Huic tanto argumentorum agmini recte subjicimus hostilem exercitum & quibus armis ille pugnet, ostendimus. Inter eas autem rationes, quibus propugnatur, damnatos in inferno, sive peccare non posse, sive actu non peccare, prima à Sacrarum Literarum auctoritate desumitur. Bonaventura igitur libro IV. sent. d. L. Q. 1. urget locum Sapientiae V. 8. sap. 5. inquit, dicent intra se penitentiam agentes, &c. Constat quod illa est consideratio rationis deliberantis. Ergo videtur, quod velint se non peccasse. Locus integer hic est: Videntes dannati turbabuntur timore gr. vii & stupefiant propter salutem eorum inopinatam; dicentesque apud seipso respicientes, dicent, inquam, gementes propter angustiam spiritus: hic erat, quem habebamus quondam ludibrio & communi probro, . . . . quomodo relatus est in filios Dei & in sanctis est fors illius. Planè erravimus à via veritatis, iustitia luce non luce nobis & sole iustitie non exorto nobis. Ubi satis clarè innuitur, penitentiam acturos esse damnatos de improbis suis operibus & agni-

agnituros stultitiam suam , in quâ vixerunt. Jam verò pœnitentia saltem propositum cessandi à peccato, si non studendi justitiae includit. Et qui stoliditatem suam serio agnoscit, is, ne eidem amplius implicetur, studiosè ad laborat. Fieri igitur nequit, ut peccent damnati , quamdiu serià factorum suorum pœnitentiâ tanguntur. Id quod ulterius comprobatur ex eo, quod, si salutem salvatorum , quam norunt fide illos, quæ in bonis operibus viva & efficax fuerat, acquisivisse, cum infelicissimo, in quo vivunt, quemque incredulitate sibi & pessimis facinoribus contrarerunt, statu comparaturi sunt, non possint naturale judicium defugere, stolidè se fecisse, quod tam brevi voluptate æternos cruciatus mercati fuerint, & quod neglexerint, tam facilis viâ, licet injunctâ, ad perpetua & tanta gaudia grassari. Hæc autem pœnitentia est & seria de commissis criminibus contritiō, quâ frenentes sibi ipsis irascentur, quod rectâ viâ ad salutem hac in vitâ non tetenderint. Chrysostomus, Serm. super 1. Paral. XVII. Tom. I. opp. p. 644. Dicitur sunt dannati in futuro : Quid nobis profuit superbia aut quid divitiarum jaçantia contulit nobis ? Imputabunt sibi in illâ vitâ, ubi jam non erit misericordia. Ecce, dicitur sunt, iij, quos habuimus in risu & quorum vitam estimabamus insaniam, quomodo computati sunt inter filios Dei & inter sanctos fors illorum est ? gementes, stridentes, plangentes, in ipsâ regione, ubi jam non erit indulgentia, sed plenissima sententia.

LXII. Progrediemur ordine recensendo Bonaventuræ argumenta. Alterum ergo ex Auctoritate fluit Augustini. Item August. in libro LXXXIII. questionum dicit : Videmus feriñas bestias dolore pœnarum à maximis voluptatibus abstinere. Sed damnati non ardentius appetunt, quam bestiae atroces & maxime cruciantur. Ergo eorum appetitus retrahitur & sic vellent se non peccare. Continetur in his Augustini verbis aliquod ex vi dolorum deducetur argumentum, qui libidinosas carnis actiones, quales peccata sunt, restinguunt & sufflaminant; cum verò illud cum eo, quod sequitur, ita connexum sit, ut separari ab eo nequeat, differimus illustrationem ejusdem & Bonaventuram juvamus auctoritate aliorum Ecclesiæ Patrum, quorum verba in principio hujus disputationis à nobis adducta subinde comparent. Augustini illustris est locus; in Enchir. ad Laur. c. CXI. Beatis voluntas, damnatis facultas non poterit ulla esse pec-